


















EXPERIMENTA CIRCA VISIONEM.

Apparatus. Præpara laminas chartaceas eius propè magnitudinis, quam refert fig. 1. tubos etiam longos 3, aut 4 pollices, imò & vnum 3, aut 4 pedum; tum laminas alias acicula perforata vno foramine, alias duobus, aut pluribus, dum illa simul non occupent spatium pupilla maius, tuborum verò laminam vnâ perforata vno foramine, aliam verò duobus, aut pluribus.

Experimenta. 1. fig. 1. Laminam perforatam propiùs oculo admoue; intue-
re fenestram, aut candelam. Si chartam sensim interponas à dextris oculum
inter & laminam, illa teget sinistram obiecti partem, & contra. *Exp. 2. 3.* fig.
2. 3. Aciculam oculo propiùs admoue: illa apparebit maxima, confusa, & qua-
si transparens, aded vt nullam distantis rei partem abscondat; ac si chartam
oculum inter & aciculam inferas à dextris, videbitur acicula minui à sinistris.
Exp. 5. 6. 7. 8. 9. 10. 11. 12. fig. 5. 6. 7. 8. 9. 10. 11. 12. Laminam duorum, aut 3 for-
aminum propiùs oculo admoue. intueri in signum aliquod illuminatum, pu-
tâ vel punctum, aut characterem in charta, vt *exp. 5. 8. 11:* vel foramen fa-
ctum in aâa lamina, vt *exp. 6. 7:* ac tunc signum visum apparebit vel multipli-
catum, vt 5. 8: vel maius, vt 9. 11: vel apparebunt plura foramina in remotio-
ri lamina, vt 6. 7: vel apparebunt signa, & foramina inuerso situ, vt 5. 6. vel
si chartam oculum inter & laminam inferas à dextris, illa teget sinistram si-
gnum, aut foramen apparens, vt 8: vel signum videbitur nigrius, & colora-
tius in medio, vt 9. 11: vel si loco perforatæ laminæ chartam admoueris obli-
què ante oculum, habetæque è regione signum aliquod lucidum, illud appa-
rebit geminum, vt 12: vel denique si tubo vtaris longiori foramen apparebit
multiplicatum, sed eodem situ, & admota prope oculum charta à dextris te-
get dextrum foramen apparens. *Exp. 10. fig. 10.* Suspende globulum, aut po-
ne caput aciculæ iuxta tuum oculum, deinde intueri in facies accensas, aut
quod fiet commodiùs, intueri in laminam perforatam multis foraminibus, &
expositam luci, aut fenestram, & modicè ab oculo distantem; aut 4 pollicibus;
tunc apparebunt tibi tot globuli, aut aciculæ, quot erunt faces, vel in lami-
na foramina, ac videbuntur aciculæ inuerso situ. Porro laminas perforatas,
& tubos poteris inter se vario modo committere, & experiri iucunda plurima
& admiranda, vt ipsa te docebit experientia.







Confectaria. 1 Species diuersorum obiectorum, vt candelæ & candelabri ita
feruntur in oculum rectis radiis, vt illi decussent sese in aère ante oculum, vt
1. *exper.* 2 Pars oculi, in qua visio exercetur, habet aliquam extensionem,
câmq; maiorem pupilla, vt 2. 3. *exper.* 3 Eadem obiecta aliter videntur, si
sint propiùs, nempe confusa, & maxima, vt 3. *exp.* vel etiam euerso situ, &
multiplicata, vt 5. 6. 7. 10. *exp.* aliter si sint in iusta distantia, scilicet distincta,
vt vulgò fit, cum legimus; aliter si remotiora, nempe confusa, remissa, & eo-
dem situ, vt longioribus in cubis. 4 Idem obiectum variis radiis in oculum
penetrat, & afficit varias visuæ potentie partes aliquando, aliquando vni-
cam, cum videatur aliquando multiplex, aliquando vnicum, *experim. 2.*
3. 5. 6. &c.












Completitur ille munia præcipuarum oculi partium, atque aperit, quo pacto pingatur obiecta suas per species in retina.

Pupilla. Duplex illius munus. 1. Nimiam lucem arcere, & superfluas species. hinc fig. 1. accessu facis pupilla coarctatur, recessu dilaturatur, & fig. 2. oculus intendens in obiectum vicinum pupillam constringit. 2. Ita species in oculum admittit, ut singulæ in singulis retinæ partibus ferantur, totumque obiectum pingatur sine confusione. Id verò intelligitur commodè exemplo similium rerum. Etenim fig. 3. ut clauso in conclavi res foris positæ insinuant se se per paruum foramen, ac pinguntur in charta foramini opposita everso situ: ita per pupillam res feruntur in oculum & in retina pinguntur. Præterea fig. 4. ut pictura, quæ dicto in conclavi repræsentaretur magna, & in longa distantia, contrahitur beneficio lentis ChrySTALLINÆ, ita propter ChrySTALLINUM positum prope pupillam imagines rerum visarum, & illarum distantia constringuntur. Denique fig. 5. ut dicto in conclavi sol aut obiectum rotundum insinuans se se per foramen triangulare, aut quadratum repræsentatur rotundus, suamque retinet figuram, atque fig. 6. ut sol pingitur rotundus per tubos Hollandicos licet foramen sit paruum, aut magnum, aut triangulare: ita licet pupilla sit rotunda, res obiectæ oculo repræsentantur in retina secundum propriam figuram. ChrySTALLINUS radios omnes ab eodem puncto per pupillam intrantes frangit, colligit, & in vnum retinæ punctum destinat hoc pacto fig. 7. A puncto A multi radij in pupillam feruntur facientes pyramidem visualem, aut penicillum exteriorem: Hos excipit ChrySTALLINUS, & propter figuram, quam habet, frangit, & dirigit in punctum retinæ I, fitque ea ratione ut penicillus exterior mutetur in interiorem siue refractum; idemque punctum A pingatur multis radiis in eadem retinæ parte. Idem fit circa puncta B, & C, & alia quævis, aded ut totum obiectum pingatur dum pars in parte proportionali repræsentatur. *Processus ciliares.* Hi, ut ChrySTALLINUM suspendunt filis quibusdam ad instar aranei, ita globositatem aptam illi tribuunt constringendo, aut laxando fila, atque aded augendo vel minuendo penicillum interiorem, ita ut apex illius in retinam accuratè pertineat; secus ut idem punctum pingetur in diuersis retinæ partibus, ita visio erit confusa. fig. 8. 10. 12. 13. Hæc verò sunt leges conformandi ChrySTALLINI. ChrySTALLINUS iustæ formæ iustum facit penicillum ex iusta distantia 9. ex minori iusta, maiorem 8. ex maiori iusta, minorem 10. Hinc regula. Accedente obiecto augetur penicillus, recedente minuitur. Rursum ex communi distantia ChrySTALLINUS iustæ formæ iustum facit penicillum 11. Planior, longiorem 12: globosior, breuiorem 13. Hinc regula. ChrySTALLINUS planior obiectum poscit remotius 14. globosior vicinior 15. Hæc verò & quæ superius dicta sunt probantur tum experientia in artefacto, & naturali oculo, tum ratione ex legibus refractionum, tum denique ex oculi compositione, quem alio modo componimus ut legamus remota, alio ut vicina, nempe ut hoc & illo modo ChrySTALLINUM conformemus.



140




 Absoluta visio continet actionem oculi, & interni sensus in cerebro, ac peragitur hunc in modum. Species obiectorum transmissæ in retinam offendunt, nervos opticos, ex quibus retina componitur. fig. 1. hi vt pleni sunt spiritibus visoribus, adeoque contenti, pulsus aut motus, quem à speciebus accipiunt, communicant, cerebro vnde oriuntur (siue id fiat, motu nervulorum, siue opes speciei subtilioris per eos transmissæ, siue per sympathiam) ea ratione, & ordine, vt nervuli mediæ retinæ afficiant mediam cerebri partem, nervuli dextræ dextram &c. adeo vt partes retinæ vtriusque pares attingant eandem partem cerebri. AAA, BBB &c. Eum in modum fecundato sensu externo & interno anima per cerebrum, perque oculum apprehendit obiectum extra, & ante oculum diametraliter, siue secundum lineam, quæ si realis esset, duceretur à retina perpendiculariter per illius centrum, adeo vt situs quem obiecta perdidierant intrando oculum, reciperetur actione, & apprehensione oculi ob retinæ curvitatē, & quem euerterant radij immissi, emissi restituant. Hinc

Leges visionis. 1. Quæ directè ante oculum sunt posita, ea feruntur in oculum per radium primarium, qui axis opticus appellatur, & pinguntur in medio retinæ, siue centro axis, & quæ sunt supra axem pinguntur infra; quæ infra, supra &c. fig. 1. AA, BB. 2. Quæ pinguntur in centro axis, ea afficiunt centrum cerebri; quæ in dextra vtriusvis retinæ, dextram cerebri, &c. AAA, BBB. 3. Quæ afficiunt centrum cerebri, aut sensus, ea apprehenduntur ante oculum secundum axem opticum; quæ dextram sensus partem, ea apprehenduntur ad sinistram axis, &c. AAA, BBB. 4. Quæ pinguntur in pari parte retinarum, ea afficiunt eandem cerebri partem, & apprehenduntur eodem in loco; quæ verò in disparibus, ea afficiunt dispartes cerebri partes, & apprehenduntur in locis diuersis, ac disparibus. Hinc

Explicata phenomena. Primum fig. 2. Lamina intercipit omnes radios præter duos, qui ad foramen V decussantur. ergo lamina B inferior intercipiet radium superioris obiecti A. Secundum, & 3. fig. 3. A propter iniustam distantiam pingitur multoties in EOD, & eadem acicula A apparet confusè in BAC. ergo lamina inferior I impedit apparentiam superiorem B. Videtur verò acicula transparentes eo, quia non impedit ne obiecta pone illam posita ferantur in alias, fig. 8. retinæ partes per pupillam acicula maiorem, adeoque videantur. Quintum, 6, 7, &c. fig. 4. Signum A iusto vicinior pingitur per foramina F, & E in G, D exclusis radiis aliis, & apparet in B, C. ergo lamina inferior I impedit apparentiam superiorem B. Phenomena verò duorum oculorum, quibus interdum idem obiectum duplex apparet, sic se habent. fig. 5. Axes intendunt in A: pingitur B in sinistra dextri, & dextra sinistri, adeoque in dextra & sinistra sensus interni, & apparet hinc, & inde. fig. 6. Axes intendunt in B: pingitur A ad dextram dextri, & sinistram sinistri, & apparet geminum. Fig. 7. Axes duo CA, EB non conveniunt, siue quod oculus alter DE digito detorquetur, siue ob nervorum fatigationem, ergo A pingitur in centro axis C, & in dextra dextri D, & apparebit duobus in locis.










OG.





VISIONIS MVNIA.

Visionis est percipere, & subiicere æstimatiuz potentiz ea, quæ sunt aspectabilia. Sunt verò Aspectabilia, vel Propria, quæ solo oculo percipiuntur, vt Lux, & Color, vel Communia, quæ non solo oculo, nec per propriam speciem, vt Regio, siue Pars, Distantia, locus, vnitas, multiplicitas, quies, motus, situs, magnitudo, figura, & similia; vel denique Media, quæ solo quidem oculo, sed non per propriam speciem, vt Perspicuitas, opacitas, vmbra, tenebræ, similitudo, & alia id genus. Lux videtur per lumen, & color per speciem tanquam per imagines, adeò vt color cæruleus videatur, v. g. quòd species in oculo recepta sit intentionaliter cærulea, & cæruleam faciat retinam. Communia verò, & Media sentiuntur per species lucis, & coloris hoc, & illo modo dispositas, dum æstimatiua potentia, & imaginatio per talem & talem speciem tali & tali ratione modificatam apprehendit vsu & experientia hoc aut illud coloratum, vel lucidum, & illius tantam distantiam, talem figuram, magnitudinem, & similia, hoc modo.

Regio, aut pars dextra, sinistra, superior, inferior, &c. noscitur ex motu oculi in dextram, aut sinistram, &c. vel ex specie in tali, aut tali retinæ parte. *Distantia* percipitur dum vsu, & experientia tactus, aut motus localis deprehendimus rem tali & tali modo repræsentatam in oculo distare ab eodem, & quidem plus, aut minus, prout exhibetur sub tali magnitudine, distinctione, confusione, splendore, obscuritate, adhibita etiam relatione ad eandem rem, vel ad alias antea cognitatas. Præterea ex compositione oculi, qui aliter & aliter se disponit ad videndum distinctè ex tali aut tali distantia, maximè verò ex motu, & inclinatione duorum oculorum ad inuicem. Ita fig. 1. oculi B, G minus inclinantur, vt videant A; plus, vt videant D. Ita figura 2. alia est configuratio oculi, ac chrySTALLINI A, vt videat B; alia, vt C. *Locus* sentitur ex cognita regione, & distantia. fig. 3. qui nouit D esse in tali regione BD, & habere in ea distantiam BD, nouit quoque illud esse in D. *Vnitas* ex vnica specie in oculo. *Multiplicitas* ex multiplici. fig. 4. A videtur geminum, aut duobus in locis F, G ob duas species D, E. *Magnitudo* tum quòd species tantam retinæ partem imbuat tanta ex distantia, tum quòd tanto oculi motu sit perlustrandum obiectum, tum ex relatione ad alia. *Figura*, tum quòd hæc retinæ pars, non illa pingatur, tum quòd aliz partes picturæ sint lucidiores, aliz obscuriores, &c. Fig. 5. oculus globum apprehendit quòd species in retina sit circularis, & lucidior in medio, idémque sentiendum fig. 6. de profundis rebus, aut eminentibus. *Situs* ex cognito partium loco. *Movns* ex specie in retinæ partibus variis successiue producta. *Quies* ex eiusdem constantia. *Transparentia*, quòd duæ species in eadem retinæ parte duo repræsentent obiecta in eadem regione, hoc in hac, illud in illa distantia, adeò vt vnum vltra alterum videatur. fig. 7. Globus vltra planum vitreum. *Opacitas* ex contrario transparentiz. *Vmbra* ex minus lucida specie in retina. fig. 8. *Tenebræ* ex nulla specie in retina, dum sibi imaginatio fingit aliquid maximè luci oppositum. *Similitudo* ex simili specie in retina, &c.



144



Directa appellatur illa visio, quæ perficitur rectis radiis in fundum oculi irrupentibus. Quare cum solus axis opticus sit rectus, ac perueniat ad medium retinæ sine ulla refractione, componitur directa visio ex multis axibus, ac fieri intelligitur dum oculus mediam retinam conuertit ad obiecti partes singulas, easque lustrans axes opticos circumfert, & colligit. Ita legendopaginam, lineas syllabarum percurrimus. Ita laterculo A oculus trabem successiuè lustrat. Hinc directæ visionis hæc propria. 1. Supponit oculi motum circa suum centrum in omnem partem. 2. non est rora simul, sed fit successiuè pars post partem. 3. Axes illius omnes, ut ad centrum oculi confluunt, ita in eo sese secant, & pyramidem successiuè constituunt, cuius apex est in centro oculi, basis in obiecto A. 4. Inter axes ij sunt altiores, ad quos habendos oculus mouetur sursum; idem de depressis, sinistris, &c.

Principia. 1. Quidquid videtur, sub aliqua pyramide optica videtur A: id est ita videtur, ut opticam pyramidem efficiat. 2. Quidquid videtur, sub aliquo angulo videtur A, B. Nempe sub eo, qui fit in apice pyramidis A. 3. Quæ videntur congruere, videntur æqualia: hoc est neque excedere, neque excedi. 4. Æqualia ex æquali distantia, & eodem modo posita, videntur æqualia. 5. Quæ videntur æqualia iis, quæ visa sunt æqualia, videntur quoque inter se æqualia. 6. Quod videtur secundum suam partem aliquam æquale alteri, videtur secundum aliam partem, illud excedere. 7. Ea sunt altiora respectu oculi, & sentiuntur, ac videntur altiora, ad quæ videnda oculus mouetur sursum, idemque de depressis, dextris, & sinistris. 8. Quæ videntur per axes altiores, videntur altiora, &c. Atque illa quidem omnia sic videntur, nisi aliz sint cognitiones, quibus æstimatio corrigatur.

Theoremata. 1. Quæ videntur sub eodem, aut sub æquali angulo, videntur æqualia. B Lancea pyramidi, & I Musca equo. Nempè videntur congruere. 2. Quæ videntur sub maiori angulo, videntur maiora, & contrà. C Pugionis lamina ensi videtur æqualis, adeoque pugio ensẽ superare toto capulo. 3. Æqualium obiectorum illud, quod videtur sub duplo maiori angulo, videtur duplo maius. D prima columna videtur duplo maior, quàm quarta. 4. Æqualium obiectorum ea, quæ propiora sunt, videntur maiora, & contrà D, H, R. 5. Item quæ videntur directè, maiora videntur spectatis obliquè G: nempe sub maiori angulo. imò L Sarissa videri potest, ut circulus: M Triangulum, aut circulus, ut linea: P lancea, ut stella. 6. Æqualium obiectorum positorum supra oculos ea, quæ sunt propiora, videntur altiora. D columnæ remotæ videntur depressiores: nempe per axem depressiorem. Infra verò oculum quæ propiora, videntur inferiora, & contrà. D Metæ remotæ, altiores visæ. Denique ad dextram oculi, quæ propiora sunt, videntur magis dextra, & contrà, idemque de sinistris F. Hinc in porticibus R laqueare videtur deprimi, attolli pavementum, dextra & sinistra versus medium ferri; Sintuenti vallem illa videtur altior vicino vertice, & T fundum putei altius vicino margine, nisi aliunde æstimatio corrigatur.

146








67









Ex solenni canone Angulus reflexionis æqualis est angulo incidentiæ, Speculum planum ita reflectit, & repræsentat obiectum totum, vt singula illius puncta. Eo verò modo quodlibet punctum reflectit, quo punctum ipsum ferretur in oculum, si speculum abesset, & esset oculus ex aduerso: similiter ita punctum repræsentat, vt ab oculo videretur, si abesset speculum, & punctum esset ex aduerso. fig. 1. A resilit in C per EF, vt rectè ferretur in B. Item C videt A per EF, perinde ac si A esset in D. hinc ea quæ sequuntur præstat speculum planum.

1 *Dextra sinistris permutat.* fig. 2. Dexter oculus A videtur in B: est autem B, sinister propterea quòd facies apparens opponatur visæ. 2 *Euertit.* fig. 3. 4. A per horizontale speculum videtur in B, & quidem euersum, quod occursum speculi radij incidentiæ inferiores fiant in reflexione superiores, & contra CD inferior, mutatur in superiorem DE &c. Idem fit in speculo suspenso & laqueari, cum ipsum quoque sit horizontale. 3 *Scribit.* fig. 5. Characteres singillatim facti è charta, aut sanè excisi è charta applicantur speculo, & speculum soli, adeò vt lux speculi reflectatur destinatum in locum, ibique repræsentet aut figuram lucidam similem speculo, & in ea vmbrosam characterem, aut contra solam referat lucidi characteris formam. singuli autem characteres alij post alios applicantur; & exprimuntur. 4 *Speculatur.* fig. 6. Suspenditur edito in loco obuersa in terram, & hostes facie, adeò vt quæ in castris fiant, aut parentur in fossis, aperiat tutò iis, qui vultum proferre non auderent. 5 *Nunciat.* fig. 6. De nocte suspenditur edito in loco obuersa in terram, & aduentans auxilium facie, adeò vt obsessi, & aduentantes accensis facibus alij alijs secreta significant, inscio penitus hoste. 6 *Mittit.* fig. 7. Vt altitudo spectantis AB ad distantiam speculi BC: ita altitudo turris DE ad distantiam speculi EC, & contra: quare si nota sit altitudo turris, distantia cognoscetur, & contra si nota distantia, sic habebitur altitudo. Si BC 8 pedum verbi gratia, dat BA 5 pedum: CE 48 passuum quid? 30. 7 *Pingit.* fig. 8. Dum speculum repræsentat hortum & palatia, vel certè illi obicitur corpus aliquod plures habens facies, animaduerti possunt, & probari leges perspectiue cum in eopicta videantur obiecta, vt à perspectiuis præscribitur, possintque filis extensis deprehendi lineæ, & puncta, & cætera. 8 *Horam nunciat.* fig. 9. Fit in laqueari horologium horizontale, & ad fenestram disponitur speculum paruum immobile, atque illud reflectit errantem toto laqueari solis imaginem, quæ horam significet. 9 *Oblata multiplicat.* fig. 10. Eadem candela per speculum vitreum aut crystallinum apparet eidem oculo duplex, & triplex. Nempe fit reflexio in prima superficie fig. 11. in puncto A videturque in B. Item fit refraction duplex, & vna reflexio. GI frangitur in IC, & fit C reflexio, iterumque CO frangitur in OL, videturque altera candela in E. Item fit refraction duplex, & triplex reflexio fig. 12. GI frangitur in IC, fitque in C reflexio, iterumque in A, & tertio in D, ac frangitur DO in OL, videturque tertia candela in linea LE. Atque eo pacto fiunt interdum plures reflexiones. 10 *Fucum facit.* Speculum ex vitro colorato aliquid sui coloris communicat, vt pallidior interdum vultus, interdum rubicundior appareat.

142

OM






119
 Possunt ita committi inter se planâ specula, vt acceptas obiectorum imagines, mutuò sibi communicent. Hinc præstant quæ sequuntur. 1. *Speculantem sibi ipsum reddunt aspectabilem undique.* fig. 1. A fertur in B, & resilit in C, & iterùm in oculum. 2. *Mutuam reddunt.* fig. 2. Si opponantur, alterum in altero videbitur pluries, dum, vt fig. 3. quodlibet punctum multiplici reflexione in oculum deferatur. A primùm rectâ per AO; deinde per AB, BC, CO, & ita per alios reflexos radios, quoad poterunt esse æquales anguli. 3. *Res oblatas multiplicat,* dum vnumquodque rem eandem multoties repræsentat, vt fig. 4. vel multa rem vnâ multis in locis exhibent, vt fig. 5. ac primum quidem, vt fig. 6. dum A fertur per AB, & BC, itémque per AD, DE, EF, FC, &c. secundum verò dum, vt fig. 5. singula specula singulas reflectūt imagines. Atque vtroque ex capite ærarium ex nummo, ex milite exercitus, ex columna amphitheatrum, & similia repræsentantur. 4. *Occulta scrutantur & illuminant.* fig. 7. Ita disponuntur, vt exceptos solis radios eundem in locum reflectant, ibique intensum lumen excitent; quidni & incendia? 5. *Quæ foris sunt ad dextram læuamque intus manifestant.* fig. 8. Disponuntur in morem normæ, & extra fenestram posita, vicum repræsentant hinc, & inde, nec tamen in iis spectator se videt.

Sphæricum Speculum conuexum.











1. *Plura detegit, & repræsentat.* fig. 9. Planum speculum sit FOBG, conuexum SOBD. Hæc vtriusque in reflectendo differentia. Signum A fertur in B plani speculi, ac resilit in D, ob perpend. CBL. Idem A fertur in B conuexi, & resilit in E ob perpend. HBD. Ergo vt dilatatior actio eiusdem puncti A; ita vicissim plura reflectentur in oculum, si ille sit in A, ad eò vt radorum qui per planum feruntur, vltimus sit DB, eorum verò, qui per conuexum, extremus sit EB. Id verò fit, quod perpendiculares conuexi, vt HB, HO recedant à perpendicularibus plani: atque hinc regula. Quo specula sunt portiones minoris sphæræ, hoc plura colligunt, & repræsentant. 2. *Oblata imminuit.* fig. 10. Obiectum CD quod fertur in oculum A per speculum planum sub basi radiose pyramidis OI, fertur in eundem A per conuexum sub basi minori EE, adeòque videtur sub minori angulo, & ex consequenti minus. 3. *Obiecta repræsentat fortius.* Nempe eadem seruata distantia species magis vnit, vnitasque in oculum reflectit, vt illæ fortius agant, perinde ac lumina magis vnita fortius illuminant. 4. *Curuitatem suam communicat obiectis,* tum ob sectiones curuas sphærice superficiæ, tum ob distantias linearum incidentiæ ab oculo, quæ augentur & minuuntur sphæricè. fig. 10. D per E videtur in X: ac verò P in T. 5. *Distantias auget.* Nempe, vt obiecta contrahit, ita remouet. fig. 10. CD apparet oculo perinde, ac si remoto speculo esset in MN. 6. *Pingit egregiè, & rura, palatia, porticus, aliòsque prospectus singulari gratia repræsentat.* Nempe plura colligit, eaque exhibet vt remota, viuidiùs tamen & fortius.











SPECVLVM CONCAVVM SPHÆRICVM.

Speculum cauum duobus modis reflectit obiectum. Si obiectum sit intra centrum speculi, reflexio sit radiis indecussatis. fig. 1. B fertur in E, & resilit in A. item ita F, & in A. At verò si obiectum sit extra centrum, visio sit decussatis radiis fig. 2. B fertur in E redit in A. item C it in F, redit in A, ac sese decussant radii incidentes B E, C F. Hinc varia illius officia.

1 *Erigit & eurtit.* Nempe fig. 1 erecta de more apprehendit, cum visio fiat immutatis radiis: at verò fig. 2 euerfa repræsentat, ob radiorum decussationem, & erectam in oculo picturam obiecti. 2 *Confundit.* fig. 3 si oculus sit in centro, tunc, vt vndique reflectitur in seipsum, ita sese videt, toto speculo, & confusè ob confusas in retina species. 3 *Occultat:* fig. 4. si sit obiectum in centro, & oculus alibi, tunc, vt obiectum reflectetur in centrum, adeoque in seipsum, ita ad oculum species non pertinebunt, nec vlla fiet visio. 4 *Polyphemum exhibet*, hoc est intuentem oculum sibi ipsum repræsentat vti monstrum horrendum, ingens, phœbeæ lampadis instar. fig. 5. Magnam retinæ partem imbuir, perinde ac si esset oculus ingens in BC, atque illud quidem ob reflexiones dilatatas propter perpendiculares in centrum concurrentes, quæ, si essent parallelæ, reflexionem contraherent. 5 *Multiplicat.* fig. 6. Quando oculus A est intra centrum, & obiectum B extra, fertur illud per BC, & resilit per CA, itemque per BD, & DA: idemque fit quando oculus est extra centrum, & obiectum intra. fig. 7 B it in C, redit in A. itemque B it in D, redit in A. 6 *Amplificat.* fig. 8 Actionem dilatat, & telum BC tantum pingitur in oculo A, quantum pingeretur maius EF, si esset in EF, nullumque intercederet speculum, atque aded cum pictura in oculo augeatur, nec minuat distantia, æstimatiua obiectum maius apprehendit. 7 *Vn oculum præstat.* hoc est, licet te duobus oculis intueare in speculo, vnicum tamen tibi esse oculum videbis. fig. 9. Ita disponantur oculi in C, & A: æqualiter à centro D distent; tunc A feretur in C, & B, vicissimque B in C, & A: adeoque interno in sensu erit vnica tantum oculi species in medio, aut sanè duæ simillimæ, altera intra alteram. 8 *Longoculum facit.* Hoc est vnicum tibi oculum, sed longiorem, & quasi geminatum exhibet. fig. 10. A it in C, redit in A, videturque in C. item B it in D, & A, videturque in D. 9 *Trioculum exhibet.* fig. 11 A it in C, & B. pingiturque in medio, itemque it in D, & redit in A, pingiturque ad latus, idem facit B, adeoque interno in sensu triplex est pictura, & visio triplex. idem accidit fig. 12 positis oculis extra centrum. 10 *Spectra cudit in aère.* fig. 13 Ensem si offers strictum, strictum refundet in aère te inter & speculum. Nempe ob curuitatem speculi ita reflectuntur species in retinam, vt ibi maiorem picturam exhibeant, dum singula puncta in pluribus retinæ partibus pinguntur, eaque ob collectos à speculo radios, viuidiùs; atque aded, cum ita ensis repræsentetur oculo, & æstimatiuæ potentia, vt realis ensis maior in aère existens, eidem repræsentaretur, eadem sequitur apprehensio. 11 *Illuminat.* 12 *Incendit suo loco in vstorii.*








Mixta regularia appellantur ea, quæ proprietatibus planorum, & curuorum regulariter communicant. Talia sunt Cylindracea conuexa, quæ secundum longitudinem spectant ad plana; secundum latitudinem, aut curuitatem, ad curua: talia quoque sunt Conica, atque omnino ea in quibus reperiuntur lineæ rectæ, & curvæ regulares.

Cylindraceum conuexum. fig. 1. lineas curuas apertè descriptas in plano cui perpendiculariter incumbit, repræsentat ut rectas secundum latitudinem: curuam C B A ut rectam D E F: ac vicissim lineæ, quæ in eo exhibentur rectæ, & secundum latitudinem, ut D E F, oriuntur à curuis, ut A B C. Præterea lineas rectas, quæ à centro figuræ prodeunt, repræsentat tanquam perpendiculares secundum altitudinem. fig. 2: rectam D C, ut perpend. C B: ac mutuo perpendiculares in eo visæ, ut C B, oriuntur à rectis radiis, ut D G. His porro lineis transuersalibus, ut fig. 1, & ascendentibus, ut fig. 2. repræsentantibus in speculo, ut fig. 3, quasi quoddam rete, absoluitur tota praxis imaginum cylindracearum, ut suo loco tradetur, ac demonstrabitur: nunc & vsum speculi, & fontes germanæ demonstrationis digito primùm indicare sit satis. En vsum præcipuos. fig. 3. Speculum imponitur horizontali plano superiori, & colligit ex confusis in speciem coloribus imaginem perfectam. Idem præstat eum ex laqueari, aut horizontali inferiori pendet. fig. 4. Ad hæc fig. 5. medio in conclauis ita statuitur aut supra stylobatam, aut pendulum ex umbone, ut imaginem perfectam conficiat ex limbo colorato circa conclauis vix aduertentibus spectatoribus vnde spectrum oriatur. En fontem. fig. 1. C fertur in F, resilit in O, apparet in S. Item R it H reflectitur in O, videtur in L, adeoque recta R C apparet in S L, & cæteræ. Quia verò S videtur per superiorem radium, quàm L, & quia S, siue C & F pinguntur eadem in parte retinæ, & S quidem viuidius, æstimatoria potentia apprehendit F eleuatum supra H; nec non S parum distans ab F, adeoque eleuatum supra L, eoque pacto referens imaginem apparentem ad speculum visum, eam non ut iacentem, sed, ut erectam apprehendit. *Cylindraceum concauum.* Eadem patitur, & agit. Hoc peculiare: dexteræ figuræ partes transfert in sinistras, & contrà. fig. 6.

Speculum Conicum conuexum. figura septima. Radios à centro figuræ exeuntes exhibet quasi semidiametros; & circulos extra se concentricos, tanquam circulos intra se concentricos, ita tamen, ut interiores repræsententur ab exterioribus, ac veluti quoddam rete videatur in speculo ad describendas imagines, ut pluribus in praxi. En vsum. fig. 8 supra planum statuitur, & ex coloribus plani imaginem colligit miris modis. Idem præstat suspensum è laqueari fig. 9. Præterea medio in clypeo ad instar umbonis collocatur, & ex limbo, vel corona imaginem legit. fig. 10. Ad hæc plus, aut minus eleuatur supra planum, ac diuersas colligit imagines prout plus aut minus eleuatur. fig. 11 & 12, ac latent aliæ, dum aliæ apparent.



194

4

Reuerendo in xpo patri P. Athanasio
Kirker Societatis Iesu.

1. 2. Oculus sua in sede positus, ac munitus palpebris. Partes in eo apparentes sunt Albuni, Iris, Pupilla.

3. Oculus auulsus è capite suis cum musculis, & membranis. EB Adnata, siue membrana oculum vinciens. AO pars oculi visa. P non visa. A Iris, siue oculi fuscum, cuius media pars quasi nigra Pupilla est. O Album oculi. R Nerus opticus. V Musculi oculum mouentes. 4. Anterior pars oculi. A Iris. O Album. E Adnata. I foramina lacrymarum. 5. Oculus deposita adnata, & musculis. AOR Sclerotica tunica extima, siue Sclerodes, aut Consolidatiua, aut Crassa. R Nerui optici extima tunica, & durior, & à dura cerebri matre proficiscens.








6. Dissectus oculus peritidem, & neruum. E Sectiones, aut partes factæ per dissectionem, vt in iis ordo interiorum partium obseruetur, vt in sequenti.

7. Sectio oculi. Ex tribus tunicis, quæ interiorem oculi sinum conuectiunt, extima Sclerotica est; media Choroides, intima Retina, siue Retiformis, aut fundum oculi. A Cornea, vel pars anterior Scleroticæ transparens ad instar cornu. D Vuca, vel pars anterior Choroidis perforata. B Pupilla, siue foramen Vuæ. C CrySTALLINUS humor, aut glacialis inclusus tunica, & suspensus ante pupillam. E Processus ciliares, aut reductus tunicarum CrySTALLINUM suspendens, ac librans. DBD Aqueus humor, & in eo nataus Vuca. EFE Vitreus humor sinum oculi complens.


8. Choroides apparens Sclerotica deposita. A Vuca. R Nerui optici media tunica, mollior, & à cerebri pia matre orta. 9. Retina apparens depositis Sclerotica, & Choroides, eaque non omnino orbicularis, vt quæ tantum pertineat ad Processus. R Nerui optici substantia à cerebro ipso proficiscens, ac sese dum expandit in morem calicis, Retinam constituens factam ex neruis minutissimis, vt ipse quoque ex neruis minutissimis ad instar cæterorum componitur. 10. Sola vuca perforata, & foramen illius Pupilla. 11. CrySTALLINUS spectatus à latere, ac gibbosior interiori facie. 12. Idem spectatus à fronte, simulque vtrobique tunica illum conuectiens CrySTALLOIDES, vel Arachnoides, cum ille quoque Aranea vocetur, quod filis Processuum instar Aranei suspensus libretur. 13. Interior facies Processuum ciliarium. 14. Eorumdem facies interior ad instar annuli ferrei plani, simulque vtrobique in medio suspensus CrySTALLINUS. 15. Forma vitrei humoris, adeoque & tunicæ peculiaris, quæ includitur, quæque vocatur Hyaloides, cuius sinus anteriori in parte CrySTALLINUM fouet. 16. Forma humoris aquei, & in eo natantis Vuæ locus. 17. Vitreus humor, & CrySTALLINUS filis libratus.

Tunicæ omnino 7. Partiales 4, Sclerotica, & Cornea, Choroides, & Vuca: Totales 3, Retina, CrySTALLOIDES, & Hyaloides. Humores 3, Aqueus densus vt aqua; Vitreus, vt vitrum; CrySTALLINUS, vt CrySTALLUS. Sclerotica, Choroides, & Vuca opacæ: cæteræ transparentes.

OA



Alouan exad. Am Prind. Regis.



Fecundant oculum lux, & color per lumen, & speciem.

Phænomena. A Lux solis pura. B Radius illi similis. C Lux facis, aut accensæ materiæ coloratæ. D Radius illi similis. F Illuminatum à sole corpus opacum. M radius illius. H illuminatum à face Opacum. E radius illius. G illuminatum à sole Perspicuum coloratum. L radius illius. O, N Effectus secundarius. P radius illius. R, S, T Corpora purpurea. Z varij illorum radii. X Oculi ista intuentes, dum eorum imaginibus fecundantur.

Definitiones. 1. Lux est qualitas in Luminoso, eaque varia aut colorata pro varia luminosi natura, aut colore. A, C. 2. Color est qualitas in Colorato apta ad terminandum, siue retinendum lumen, aut speciem. 3. Lumen est potentialis, aut actualis imago Luminosi; siue qualitas procedens à Luminoso, & in Perspicio recepta, eaque ibi inefficax B, D, nisi colore terminetur; terminata verò F, G, H fit actualis imago Luminosi, & cum colore terminante constituit Illuminatum. 4. Illuminatum F, G, H est compositum aliquod ex colore & lumine constitutum producens speciem. 5. Species est potentialis, aut actualis imago Illuminatiui, siue qualitas ab eo procedens, & in Perspicio recepta, eaque ibi inefficax M, E, nisi colore terminetur; terminata verò fit actualis imago Illuminatiui, & cum colore terminante constituit Illuminatum secundarium, quod est quoque Compositum ex specie & colore, ac producit speciem secundariam, vt fiat ex illa, & colore terminante aliud, atque aliud Illuminatum secundarium, quoad sphaera actiuitatis terminetur. 6. Perspicuum est corpus sensibiliter coloris expers, adeoque nihil sistens luminis, aut speciei, vt aer purus. Opacum verò corpus ita coloratum, vt retineat omnino intra se lumen, aut speciem, vt marmor spissum. Perspicuum denique ex parte, quod plus aut minus habet coloris siue intensiue, siue extensiue, adeoque sistens partem luminis, aut speciei, partem non sistens, vt Vitrum.

Canones. 1. Illuminatum quodlibet fit tale ex tali lumine, vel specie, tali colore, & tali luminis, aut speciei applicatione sub tali aut tali angulo. 2. Illuminatum sunt diuersa tum ab eodem lumine, & diuersis coloribus, tum ab eodem colore, & diuersis luminibus, tum denique ab eodem colore, & lumine, sed diuersa luminis applicatione: idemque de specie censendum. 3. Eadem, aut similis imago in oculo, vt purpuræ, produci potest à diuersis illuminatiuis, siue diuersis principiis diuerso modo inter se compositis. 4. Quando lumina, & species variz simul terminantur colore aliquo, tunc fit ex iis omnibus Illuminatum illi magis simile, quod fortius est, & quod ex iis fortius est, longius agit, ac sæpe exterorum imaginem ita delet, vt illa, nisi amoto fortiori, non appareat: His porro explicantur faciliè superiora phænomena, aliæque id genus, quæ sunt per reflexionem, refractionem, & mediorum diuersitatem, vt suo loco, Deo dante demonstrabimus.

